

<p>Cour Pénale Internationale</p> <hr style="border: 2px solid black;"/> <p>International Criminal Court</p>	<p>Nama: ICC-02/04</p> <p>Nino dwe: 8 me dwe me abiro mwaka 2005</p> <p>Leb ma kikwongo coc: Leb munu</p>
--	---

OT KOT ME MOKO PIDO NAMA II onyo "PRE-TRIAL CHAMBER II"

**I nyim: Langol Kop Tuiloma Neroni Slade
Langol Kop Mauro Politi
Langol Kop Fatoumata Dembele Diarra**

Karan madit me Kot ("Registrar"): Ladit Bruno Cathala

KIT MA PINYE TYE KWEDE I UGANDA

<p>Kopi ma kirucu kamogo pi lwak</p> <p>WARAN ME MAK PI RASKA LUKWIYA</p>

<p>Opic pa Lapilida madit me Kot</p>	
<p>Ladit Luis Moreno Ocampo, Lapilida madit me Kot ("Prosecutor")</p> <p>Mego Fatou Bensouda, Lalub kor Lapilida madit me Kot ("Deputy Prosecutor")</p> <p>Mego Christine Chung, Lapilida madit me pido ("Senior Trial Lawyer")</p> <p>Ladit Eric MacDonald, Lapilida me pido ("Trial Lawyer")</p>	

1. OT KOT ME MOKO PIDO NAMA II onyo “**PRE-TRIAL CHAMBER II**” (ma kibilwongo-ne i yoo macek ni “Chamber”) me Kot Madit Maloyo me Wilobo onyo “ICC” (ma kibilwongo-ne i yoo macek ni “Kot”), ma tye ka bedo me winyo lok ma calo ot kot kikome malube ki lok ma kimoko i nino dwe 18 me dwe me abic mwaka 2005, ma ot kot man (“Chamber”) onongo twero ki bot Opic pa Presiden me Kot i nino dwe 5 me dwe me abiro mwaka 2004 me tiyo i kum lok pa Uganda malube ki cik 46 me dul cik me tic pa Kot ICC (ma kibilwongo-ne i yoo macek ni “Dul cik” onyo “regulations”);

2. INGE NONGO “Kwac pa Lapilida madit me Kot pi nongo waran me mak malube ki nyig cik nama 58” me nino dwe 6 me dwe me abic mwaka 2005, kit ma Lapilida madit me Kot oloko dok omedo iye jemi mogo i nino dwe 13 me dwe me abic mwaka 2005 (“Kwac pa Lapilida madit me Kot”), ki dok inge neno matut kwac man kit ma kikelo aloka loka i kume me nino dwe 18 dwe me abic mwaka 2005;

3. KIT MA ONIANGE ni Lapilida madit me Kot okwayo ni gimine twero wek coc ma en ecoyo me kwac me golo waran me mak okat pot karatac 50 ma cik cimo ni ka dok ni moko lok ma “chamber”omoko i nino dwe 18 me dwe me abic mwaka 2005 ma miyo twero man bot Lapilida madit me Kot;

4. KIT MA ONIANGE ni kwac pa Lapilida mito nongo waran me mak pi **RASKA LUKWIYA**, pi bal madongo mogo kit ma kicimo nicake i adot nama 6 paka wa i adot nama 9 i kwac pa Lapilida madit me Kot ma en ocoyo;

Lords Resistance Army (“LRA”)

5. KIT MA KINENO lok me adot ma pe ya kimoko ada ne ma lapilida omiyo i kwac ma mege ni LRA obedo dul mony ma tye ka kello ayela me jemo ki lweny ikom gamente me Uganda ki mony ne (ma kilwongo ni “Uganda People’s Defence force” (“UPDF”)) ki i kum dul me “Local defence Units” (“LDUs”) nicake i mwaka1987; ni i kare man weng, wa i kare cake i nino dwe 1 me dwe ma abiro mwaka 2002, en LRA obedo ka monyo UPDF ki LDU kacel ki reya; ni me nongo gin ma gin mito, LRA obedo ka tiyo tic awan labongo juke ka dok kicako kit kwoo me “gero me wano kom dano” ki tic-gi ma ikine nek, mak, butu ki anyira opii opii, ngolo dul kom dano, wango ot lumuku ki yako kamp ma dano bedo iye; ni reya ma kimako, wa lutino, kiwaco ni kidiyogi me “cone” calo lulweny, luting jami ki butu calo opii opii ki LRA ki me konyo timo aranyi i kom mony pa gamente me Uganda ki reya me kin gang;

6. KIT MA KINENO ni bedo tye pa LRA ki tice, ki bene adwogi me tic-gi ikom mony pa gemente me Uganda ki reya me i kingang, gamente me Uganda ki jange mapat pat omiyo ngec man ki dul mukene madwong ata ma lone ken-gi, ma i kine tye dul lobo mutore (“United Nations”), dul gamente me lobo mawoko, dul ma pe jenge kom gamente ki lukel lok angeya me wilobo;

7. KIT MA KINENO lok adot ma adaa-ne pud pe kimoko ni Joseph Kony aye ocako ter LRA dok bene en aye obedo latela pa dul man, ma en aye won kom ki Komanda maloyo wimony, ki ni LRA tye ma ma oyube iter dul rwom me mony ki tiyo kit me mony;

8. KIT MA KINENO lok adot ma adaa-ne pud pe kimoko ni lumony pa LRA tye opoke i buruged angwen ma kilwongo-gi ni Stockree, Sinia, Trinkle ki Gilva, ki ni nicake dwe ma abiro mwaka 2002, rwom me tic pa LRA tye iter twero pa Joseph Kony calo ladit maloyo tye lutela mukene calo Vincent Otti, Lalub kor won kom ki Lalub kore me aryo; Ladit wi mony (“Army Commander”); **RASKA LUKWIYA**, Ladit wi mony (“Army Commander”) ma onongo yam con obedo bene Buruged generol (“Brigade General”), Lalub kor Ladit wi mony (“Deputy Army Commander”) ki Komanda me Divijon (“Division Commander”) ki Komanda angwen mukene ma rwom gi rom ma ngat acel acel i kin-gi telo wii Buruged acel ma I kin Buruged angwen pa LRA;

9. KIT MA KINENO lok adot ma adaa-ne pud pe kimoko ni Joseph Kony, Vincent Otti ki Komanda mukene mamalo i dog tic LRA ma i kine **RASKA LUKWIYA**, aye lumemba madongo me “Control Altar”, ma en aye dul ma cung pi lutela ma pigi tek pa LRA ma tic-gi tye me yubu ki timo yub me tic pa LRA, ma i kine bene tye golo oda me monyo ki me wano dano reya cawa ducu;

10. INGE NGIYO lok ma Lapilida madit me Kot okelo ni, pi wrome calo Lalub kor Ladit wii Mony maloyo macon pa LRA (“former Deputy Army Commander of the LRA”), kacel ki dano mukene ma Lapilida madit me Kot mito mako-gi, **RASKA LUKWIYA**, ogolo oda ma oweko aranyi madwong otime ma tye i ter twero tic pa Kot i (KIRUCU) mwaka 2003;

11. KIT MA KINENO kama lapilida onongo iye lok ma moko gin ma **RASKA LUKWIYA** otimo i kin lutela pa LRA ma i kine tye lok dog pa lutela pa mony LRA macon, dano ma kitimo bal i kom-gi onyo lucaden, lok ma okati i radio ma kimako ki “short wave radio” kama lok pa LRA weng nongo dul ma tye ki twero me kwedo lok omako;

12. KIT MA KINENO lok pa lapilida ma adaa-ne pe ya kimokoni, i kati kati me dwe me abicel me mwaka 2002 onyo kakine kenyo, Joseph Kony omiyo twero bot mony pa LRA me cako tic me mako reya me (KIRUCU) ki (KIRUCU); ni i (KIRUCU) mwaka 2003 onyo kakine kenyo, Joseph Kony omiyo twero bot lulweny pa LRA, ma kingeyo-gi bene calo adui, me cito loka (KIRUCU), omony lumony pa UPDF ki gangi pa reya ki omako reya me acoya imony i rwom pa LRA (“KIRUCU campaign”); ni, macalo adwogi pa oda pa Joseph Kony man, Komanda mamalo i dog tic pa LRA ki Buruged Komanda weng, ma i kine tye **RASKA LUKWIYA**, ocito i (KIRUCU) ki (KIRUCU) ka tiyo tic pa LRA ma kun nongo gimede kicito kwede tung i (KIRUCU); ni i (KIRUCU) mwaka 2003 onyo ma pwodi, Joseph Kony omiyo twero malac ma ciko neko reya ma kwako wa joo ma kiweko gang-gi kitye ka kwoo i kamp (“ internally displaced persons (“IDP”)); ni i kare me tic i (KIRUCU) ki tic pa LRA mukene, tye oda ma dong kiketo, ma Joseph Kony aye omiyo, me yak, ki mako reya; ni tic pa **RASKA LUKWIYA** atir ikom ngo ma LRA mito ki kit ma gitiyo kede liweng kinyutu i dwan ma kimako i redio ikare me lok, ki lok pa lumemba macon magi obedo i LRA ki lok pa dano ma kitimo bal i kom-gi onyo lucaden;

13. KIT MA ONIANGE ni kwac pa Lapilida madit me Kot doto **RASKA LUKWIYA** pi aranyi ma otime ma man aye monyo IDP Kamp me (KIRUCU) ki me (KIRUCU) ma kicoyo piny kany ni bene tye but ngo ma otime i "KIRUCU Campaign" ki ni otime (KIRUCU) mwaka 2003;

14. KIT MA ONIANGE ni lapilida madit me Kot doto **RASKA LUKWIYA** pi bal madongo i kom dano ki aranyi madongo i kare me mony, kit ma kikwano nicake i adot 6 nioo wa i adot 9 i kwac-ne, ma rwate ki monyo IDP Kamp me (KIRUCU);

Monyo Kamp me (KIRUCU)

15. KIT MA KINIANG i kom lok pa lapilida madit me Kot ni i (KIRUCU) mwaka 2003, lulweny ma kato mia "omonyo (KIRUCU) IDP kamp (KIRUCU), i (KIRUCU) distrik, kimako reya ki kidiyo-gi me tingo jami ma ki kiyako; ni , kit ma lutela me Uganda waco kwede, adwogi me monyo kabedo man obedo too pa reya ma romo (KIRUCU) ki kimako reya ma romo (KIRUCU), (KIRUCU);

16. KIT MA ONIANGE ni lanyut ma kikelo, ma i kine lok pa (KIRUCU) ki but lok ma kimako i kare me lok i redio, miyo kitamo ni **RASKA LUKWIYA** obedo latela wii mony LRA ma tye ki rwom mamalo ma ogamo oda ki bot Vincent Otti ma pwod pe kimonyo (KIRUCU) IDP Kamp; ni **RASKA LUKWIYA** ocito i dog lweny ka otelo wii

lumony pa LRA ma gitye, (KIRUCU) nyuto atir ni **RASKA LUKWIYA** onongo kume tye i kare me monyo kabedo man;

17. KIT MA KINIANG nyig cik 58 ki 19 me Dul Cik pa Kot ma kiye i Rome (onyo i yoo macek “Dul Cik”);

18. KIT MA KINIANG waraga pa “Attorney General” me Uganda ma kikelo inino dwe 16 me dwe me apar aryo mwaka 2003, ma kikubu ma calo “Lanyut me anena A” (“Exhibit A”) i kom kwac pa lapilida madit me Kot, ma i kine tye “lok ma kwako Lord’s Resistance Army” me i tung kumalo ki tung poto cen me Uganda kikelo bot Court;

19. KIT MA KINIANG i kom agiki pa lok pa lapilida madit me Kot ni, lok ma kikelo mako lok kom bal weng ma otime itung kumalo me Uganda ma rwatte ki lweny ma tye kwako LRA” ki ni Lapalida omiyo niang man bot Gamente me Uganda i kom tweno ter lok kit ma kicoyo i kwac pa lapilida madit me Kot, tere 1;

20. KIT MA ONIANGE ni “Waco lok kamaleng i kum twero pa Kot pi tutunu me tic”, kit ma kicoyo i nino dwe 27 me dwe me aryo mwaka 2004, ma kikubu calo Lanyut me anena “B” (“Exhibit B”) i kom kwac pa lapilida madit me Kot, kama lobo Uganda oyee twero tic pa Kot i kom bal ma otime inge donyo i tic pa Cik ma kiye i Rome i nino dwe 1 me dwe me abiro mwaka 2002;

21. KIT MA KINIANG “Waraga me twero tic” (“Letter of Jurisdiction”) ma Lalub kor Ladit Cik maloyo me Repablik me Uganda (“Solicitor-General”) ocoyo i nino dwe 27 me

dwe me aryo mwaka 2004 bot Lapilida madit me Kot, ma kikubu calo Lanyut anena “C” i kum kwac pa Lapilida madit me;

22. KIT MA ONIANGE ni bal madongo ducu ma kiwaco ni **RASKA LUKWIYA** otimo-ni poto i ter lok cik me nyig cik 5,7 ki 8 me Dul Cik ma kiye i Rome ki dok ni en kit bal madongo ma kumeno kiwaco ni otime inge nino dwe 1 me dwe me abiro mwaka 2002 dok rwate ki ngo ma tye ka time i Uganda kit ma kicwalo bot Kot;

23. KIT MA KINIANG i kom yee pa Lapilida madit ni jami ma mite iter nyig cik 53, tere 1 me Cik ma kiye i Rome dong kicobo;

24. KIT MA ONIANGE ni Lapilida madit me Kot, i kwace, otuco ada ni waraga me miyo ngec kipoko bot “lobo weng ma tye iter twero tic pa Kot iter nyig cik 18, tere 1, me Cik ma kiye i Rome, ki bene lobo mukene ma i kit me tic-gi romo tic ki twero tic man”, ki ni lapilida madit pud peya onongo onongo adwogi lok ki bot lobo mo keken ma rwatte ki nyig cik 18, tere 2, me Cik ma kiye i Rome;

25. KIT MA KINIANG i kom lok ma tye i “Waraga me twero tic” (“Letter of Jurisdiction”) ma kicoyo inino dwe 28 me dwe ma abic mwaka 2004, ni “Gamente me Uganda pe romo mako.....ngat ma twero weng tye icinge” pi bal ma otime ma kwako lok me kumalo me Uganda ma kiwaco-ni; ni “Kot ICC ayer rwatte dok bene romo tic maber pi kwedo ter lok ki kelo i nyim kot joo ma otimo jemi mapol oweko bal magi otime; ki ni Gamente me Uganda “pe okelo lok man i nyim Kot dok pe tye ki tam me cako pido i kot i lobo meg i kum joo i kum joo ma otingo alii madit maloyo”;

26. KIT MA KINENO DOK KIYEE ni, malube ki kwac, lanyut ki lok mukene ma Lapilida madit me Kot okelo, ki labongo tam marac onyo cac i kom lok amoka ma bikati anyim, lok ma tye i kum **RASKA LUKWIYA** pototo i te twero tic pa Kot dok bene nen calo gin ma kiromo gamo-ne me winyo-ne;

27. KIT MA KINIANG nyig cik 5, 7 ki 8 me Cik ma kiye i Rome ma cimo kamaleng aranyi ikom dano ki aranyi i kare me lweny; dok bene kit ma kiniang kit wii bal acel acel ;

28. KIT MA ONIANGE ni lanyut ma Lapilida madit me Kot okelo me cwako wii bal acel acel me aranyi ma kibyeke ni otime-ni tye ada;

29. KIT MA ONIANGE ni lapilida madit me Kot jenge i kom kit lanyut mapol ma pat pat me cwako adot abyeka ma tye i kwac ma mege-ni;

30. KIT MA KINENO DOK BENE KIYEE, malube ki kwac, lanyut ki lok mukene ma lapilida madit me Kot okelo, ni tyen lok dwong ma weko kiye ni **RASKA LUKWIYA** otimo, kacel ki dano mukene ma lapilida madit me Kot tye ka yenyo yoo me mako-gi, omiyo oda me timo bal magi onyo otimo jemi ma oweko bal magi, ma tye i ter twero tic pa Kot, ma calo aranyi madongo i kom dano ki aranyi madongo i kare me lweny, ma bal magi kiryeo-gi i ter adot magi ma lube kit ma Lapilida madit me Kot

oryeyo-gi ki nama kore ki kore i kwac megelubo tye lok ma tut ikom aranyi ki wele ma tye ii kwac pa lapilida:

Adot me Abicel

(Tic ki dano opii opii i (KIRUCU) IDP Kamp ma tye aranyi madongo i kom dano)

I (KIRUCU) mwaka 2003, miyo oda me timo aranyi madit i kom dano, ma ada otime, en aye, keto reya (KIRUCU) i kwoo opii opii i (KIRUCU) IDP Kamp i (KIRUCU) distrik, Uganda (nyig cik 7 (c) ki 25 (3) (b) me Cik ma kiye i Rome);

Adot me Abiro

(Tim me alany i (KIRUCU) IDP Kamp ma obedo aranyi madongo i kare me lweny)

I (KIRUCU) mwaka 2003, miyo oda me timo aranyi madongo i kare me lweny, ma ada otime, en aye timo tim alany i kum reya mabedo i (KIRUCU) IDP Kamp, ma calo mako-gi, tweyo-gi onyo juko-gi, ki diyo-gi, i ter bura me nek, me tingo jami ma ki yako, i (KIRUCU) distrik, Uganda (nyig cik 8(2) (c) (i) ki 25 (3) (b) me Cik ma kiye i Rome);

Adot me Aboro

(Monyo reya me i (KIRUCU) IDP Kamp ma tye aranyi madit i kare me lweny)

I (KIRUCU) mwaka 2003, miyo oda me timo aranyi madit i kare me lweny, ma ada otime, en aye monyo akaka reya me (KIRUCU) IDP Kamp (KIRUCU) distrik, Uganda (nyig cik 8(2) (e) (i) ki 25 (3) (b) me Cik ma kiye i Rome);

Adot me Abungwen

(Yako KIRUCU) IDP Kamp ma tye aranyi madongo I kare me lweny)

I KIRUCU) mwaka 2003, miyo oda me timo aranyi madit i kare me lweny, ma ada otime, en aye yako (KIRUCU) IDP Kamp (KIRUCU) distrik, Uganda (nyig cik 8(2) (e) (v) ki 25 (3) (b) me Cik ma kiye i Rome);

31. KIT MA KINIANG tyen lok ma lapilida ma dit me Kot omiyo me nyutu pingo mak mite, en aye me neno ni **RASKA LUKWIYA** onyute i nyim pido; me neno ni en pe bibalo onyo gengo kwedo ter lok, en kene onyo ki macalo dul; ki me jengo en mede ki timo aranyi ma tye iter twero tic pa Kot;

32. KIT MA KINENO DOK KIYEE ni miyo waran me mak mite pi lok ada pi lok ma Lapilida owaco I kwac-ni, gin aye ni LRA obedo pi mwaka 18 mukato-ni; ki ni Lokomanda pa LRA kiromo bedo ki tam me culo kwor, ma man miyo peko bot dano ma kitimo bal I komgi ki lucaden ma gulok onyo gumiyo lanyut bot opic pa Lapilida madit me kot;

33. KIT MA KINIANG lok ma Lapilida madit me Kot oloko ikare me winyo lok me inino dwe 16 me dwe me bicel mwaka 2005 ki i nino dwe 21 me dwe me abicel mwaka 2005 ni LRA pwod tye ka monyo mony ki ni twere bene ni ka pe kimako **RASKA LUKWIYA**, aranyi ma tye i kwac pa Lapilida bimedede;

34. KIT MA KINIANG lega pa Lapilida madit me kot ni kwac me mak man ki pido weng ma rwatte ki lok man omyero obed i mung dok kigwok i ter mung;

PI TYEN LOK MAGI,

35. OT KOT ME MOKO PIDO NAMA II (“PRE-TRIAL CHAMBER II”)
CWAKO DOK YEE kwac pa Lapilida madit me kot pi waran me mako **RASKA LUKWIYA** kit ma rwatte ki nyig cik 58 me Cik ma kiye i Rome ki **MIYO DONG:**

36. WARAN ME MAK (en aye “Waran”) me **YENYO, MAKO, GWOKO KI JALO** bot Kot pa **RASKA LUKWIYA**, dano ma laco ma cale kikubu i kum waran man; ma kigeno ni otiyo i LRA ma calo Brused Jenerol (“Brigade General”), Lalub kor Ladit wii Mony maloyo (“Deputy Army Commander”) ki Ladit wii Mony maloyo (“Army Commander”), ma rwom man me agiki-ni en aye rwom ma malo maloyo me adek i LRA; dok bene en kigeno ni obedo anywali me Uganda ma aa ki Gulu distrik, Uganda;

37. MIYO ODA ni kimi tam bot en **RASKA LUKWIYA** i cawa me make, ki i leb ma en niang ki loko maber, i kum twero ne kit ma kiketo i lok cik magi me Cik ma kiye i Rome ki Cik me tic ki cik ki me lanyut ma ki miyo piny kany, ma lok ma iye weng kikubo i ter waran:

- nyig cik 19, tere 2 me Dul Cik ma kiye i Rome (Kwero twero tic pa kot ki yee wek kot omede ki lok);
- nyig cik 55, tere 2 me Dul Cik ma kiye i Rome (twero pa dano i kare me kwedo ter lok);
- nyig cik 57 me Dul Cik ma kiye i Rome (tic ki twero pa Ot Kot me moko pido “Pre-trial chamber”);
- nyig cik 59 me Dul Cik ma kiye i Rome (Kit me mako ngat ma kimito i lobo ma en tye iye);
- Cik 60 me Dul Cik ma kiye i Rome(Acaki winyo lok i Kot);
- nyig cik 61 me Dul Cik ma kiye i Rome (Moko adot ma pwod pido pe ocake);
- nyig cik 67 me Dul Cik ma kiye i Rome (twero pa ngat ma kidoto);
- cik 21 me Cik kit me tic ki cik ki me lanyut i Kot ICC (miyo kony ki tam i lok kum cik);
- cik 112 me Cik kit me tic ki cik ki me lanyut i kot ICC (mako lapeny i kum lok moni);
- cik 117 me Cik kit me tic ki cik ki me lanyut i Kot ICC (reman i lobo ma ngat ma kimito tye ye);
- cik 118 me Cik kit me tic ki cik ki me lanyut i Kot ICC (reman i Kot ICC);
- Cik 119 me Cik kit me tic ki cik ki me lanyut i Kot ICC (gony i ter cikke);
- Cik 120 me Cik kit me tic ki cik ki me lanyut i Kot ICC (jemi ma tweyo tic);

- Cik 121 me Cik kit me tic ki cik ki me lanyut i Kot ICC (kit me pido ma pe ya ki Moko pido);
- Cik 122 me cik kit me tic ki cik ki me lanyut i Kot ICC (Kit me moko pido inyim ngat ma kidotto);
- cik 123 me cik kit me tic ki cik ki me lanyut i Kot ICC (Gin atima wek ngat ma lok kwako obed tye i kare me moko adot);
- cik 124 me cik kit me tic ki cik ki me lanyut i kot ICC (Penyo twero me bedo tye i moko pido);
- cik 187 me cik kit me tic ki cik ki me lanyut i kot ICC (Gonyo lok mawoto kacel ki kwac me mine bot Kot);

38. MIYA ODA ni waran man bibedo i tic wang ma Chamber omiyo oda mukene;

39. MIYO TWERO ni waran omyero obed tye wek joo onyo dul ma dul tic pa lobo ma kikwayo-ni i kwac me mak ki me jalo kiromo neno-ne pi tyen lok ma kwako keto i tic waran me mak keken;

40. MIYO ODA ni waran, i yoo weng obed amwona i ter mung wang ma “Chamber” omiyo oda mukene;

41. Kitimo i leb munu ki leb frenc, me leb munu aye tye ki twero.

Ki keto cingo dong
Langol Kop Tuiloma Neroni Slade
Langol Kop madit.

Ki keto cingo dong
Langol Kop Mauro Politi

ki keto cingo dong
Langol Kot Fatoumata Diarra

Nino dwe 8 me dwe me abiro mwaka 2005

I The Hague, Netherlands

I ter mung pa Kot